



Congress-i Telangana Chief Minister menden atema Revanth Reddy shim

Nepal nung Russia army atema nübu yimtsür 12 apu



VOL. XXI NO. 60 (ADOK 60) DIMAPUR

YANGTEPNÜ (THURSDAY)

LUCHII (DECEMBER) 07, 2023

₹ 5.00

Asen sobaliba atema nüma atangtsüla: Advisor Yanthan

Kohima, December 6, 2023 (TYO): Naga nunger ajaki asenn oboula nunger sobaliba aser inyaksangshi atema nüma atangtsüla aser tesamaba kin rongnung madentsü atema angazüktsüla ta Agriculture Advisor Mhathung Yanthan-i ashi.

“Naga nunger sobaliba kanga takar aser tapu aika lir” ta pai ashi. Tribal Affairs Department Nagaland-i ayongzükba Cultural Mosaic 2023 nung jembidang pai iba olen ashi.

“Naga lanuputui sobaliba nung temulung magütsür ama ajiteter kechiyong parnok alima ainba nung ang rangloker. Asen sobaliba aser tangatetba samaa aoba ya alima ainba, tanü putu tangatetba mesüra Khristan yimsü ajanga asütsü ama

bilemer” ta Yanthan-i ashi.

Naga nunger sobaliba aser inyaksangshi ya alima ajungai meteta lir. Asen oboula nunger dang nungi asenoki senmang agizükba sobaliba atema nüma atanger aser asenkoki asen sobaliba wazüka ayuba den ajungkettsüla” ta pai ayongzük.

Hornbill festival ajanga Nagaland-i asen sobaliba sayutsü aser nüngtugu kümdaktsüteter. Küm shia alima tesem balala nungi nisungtem arua shilem agir aser tourists talila anir aruba ajanga asen rongsenketzung renloker ta Yanthan-isa metetdaksü.

Iba sentong nung Tribal Affairs Department Secretary Angelina Tajen-i tesentepertem pelaa agizük aser Director I. Seino Phom-i anküp tepela o jembu.

Lt Gen RP Kalita-i Dimapur & Chumoukedima semdang



Dimapur, December 6, 2023 (Agencies): GOC-in-C, Eastern Command Lt Gen Rana Pratap Kalita-i Bodbarnü Dimapur, Nagaland nung Spear Corps HQs semdanga liasü.

Iba mapang Lt Gen RP Kalita-i Military Hospital (MH) Rangapahar Military Station nung Computed Tomography (CT) Scan facility lapoktsü. Iba ajanga sepaitem, parnok kinungertem aser civilian tem ajangzüktsü.

Kalita-isa Dimapur nung aliba Vidya Bhavan Higher Secondary School nung Basketball Court ka lapoktsü. Iba ya Operation Sadbhavna kübok Indian Army-i yanglutsüba lir.

“Iba Basketball Court ya kaketshirtem asoshi lapoktsür aser lanuputu dak saisapongba sobaliba agütsür ajak nem tenüngsang agütsür” ta pai ashi.

Lt Gen RP Kalita-i Chumukedima nung Old Boys Association Sainik School (OBASS) indang Guesthouse ka lapoktsü.

Iba Guesthouse lapokba ajanga tesüiba mapang Sainik School nung azüngertemi pei azüngdak tushiba aser tanü sepaitem akümtsüba atema tanurtem anitetba kuli agütsür, ta pai ashi.

Old Boys Association-i bendanga agütsüba aser külem pur den tesentaktep tajung yur külemi maparen inyakba atema paisa tenüngsang agütsü.

Iba sentong nung Nagaland, Assam aser Manipur nung aliba Sainik school tem nungi alumni aden.

Sainik School Purulia nung alumni Nagaland chief minister Neiphiu Rio ketdangsüba kübok guest house yangluba atema Gen Kalita-i pelaba metetdaksü.

Pa Sainik School Goalpara nung azüngba menungra bilemteta jembidang “teaching aser non-teaching staff ajanga tanü iba jenjang atongtsüsa anitetogo” ta Lieutenant Gen Kalita-i ashi.

Paisa North East nungi tanurtem dang defence forces nung adentsü ayongzük.

“Nenoki alizüng yuang aser ibaji atongtsü merangang. Nenoki inyaktetba agi linük yangerba nung shilem agiang” ta Lieutenant General Kalita-i Sainik School Punglwa nungi kaketshirtem dang ashi.

Lt Gen RP Kalita-i December 7, 2023 nü Kisama Heritage Village nung Hornbill Festival nung tongti tesemdang ama shilem agitsü jaoka lir.

Nagaland den tesentaktep akangshitsü: Ambassador Suzuki



December 6, 2023 nü Naga Heritage Village Kisama nung Ambassador of Japan Hiroshi Suzuki-i Cultural Connect sentong nung o jembiba angur.

Kohima, December 6, 2023 (TYO): World War-II nungi Naga aser Japanese nunger tsüngda tesentaktep lir aser iba ya tajungba akümtsüla ta Ambassador of Japan Hiroshi Suzuki-i ashi.

Hornbill Festival anogo 6 buba 'Cultural Connect' sentong nung tongti tesemdang ka ama o jembidang Hiroshi Suzuki-i iba olen jembu.

“Japan aser Nagaland tsüngda tesentaktep ya World War-II nungi lir aser rara sülen Japan nungeri parnok kinungertem mang tabeni arudang Naga nungeri mulungsoa yaritepba atema kanga pelar” ta pai ashi.

“Onoki Nagaland aser Japan tsüngda tesentaktep akangshinür” ta Suzuki-isa ashi.

“Ni mezüng atema Nagaland semdangi arudang Chief Minister Neiphiu Rio-i sobaliba sentong ka ayonga agi aser iba ajanga nenoki sobaliba aser inyaksangshi wazüka ayuba kuli sayur” ta pai metetdaksü.

“Hornbill festival ya benjungtem madak benjung lir aser sobaliba shilem balala sayur. Nagaland indang sobaliba

reprangtsü atema Japan nunger aika arudaktsünür” ta paisa shisem.

Naga nungera Japan-i yoknür aser iba jagi yashi Nagaland University aser Japan tsüngda Memorandum of Understanding (MoU) ka nung sign süogo, ta Suzuki-isa ashi.

Iba MoU ajanga NU-i Japanese Language Education agütsütsü aser Naga nunger teimba Japan nung skill based training agitsü akok mesüra mapa inyaktetsü, ta pai ashi.

Ambassador of Japan, Hiroshi Suzuki-isa Bamboo Pavilion nung Department of Industries & Commerce indang stall semdanga liasü.

Iba sentong nung host ji Women Resource Development & Horticulture Minister Salhoutuonuo Kruse liasü aser Information Technology & Communication, Economics & Statistics and Evaluation Advisor Sethrongkyu aser MLA Lima Onen Chang na co-hosts liasü.

Tanep Cultural Connect sentong nung Sangtam cultural troupe-i Tsahku Nyi-Nying

(Butterfly dance), Chang Cultural Troupe-i Young girls games with Wei (Saponaria/wild nut), Khamniungan cultural troupe-i Chi Shangyih (folk song), Lotha cultural troupe-i Tyurhu Ejumta, Pochury cultural troupe-i Shkvüdw (Warriors dance), Angami cultural troupe-i Tati Khwe (Folk song with action), Tikhir cultural troupe-i Tsin Tsuyok Tsin (Men's folk dance), Zeliang Cultural Troupe-i Ginei Kepung (folk song) aser Kachari cultural troupe-i Na Gwrnai Mwsanai (folk song) shilemtem agi.

Anüngdang sentong nung tongti tesemdangjeri Chief Commissioner, GST & Customs, North East Region, Bandhana Deori liasü aser Housing and Mechanical Engineering Minister P. Bashanmongba Chang-i host aser Law & Justice and Land Revenue Advisor T. N. Mannen o MLA Dr. Sukhato A. Sema nati co-hosts ama shilem agi.

Anüngdang sentong nung Ao Cultural Troupe-i Tenem Sungjo (Hornbill dance), Chakhesang Cultural Troupe-i Davanuo Nuo (folk song with action/game), Konyak Cultural Troupe-i Yanthoa – Thong (muzzle loading), Kuki Cultural Troupe-i Lom Lam (Lom dance), Rengma Cultural Troupe-i Ketsonketong (purification rituals of tools and implement), Sumi Cultural Troupe-i Kimelepu Ajuyebo (Games), Phom Cultural Troupe-i Man Asho (song for wealthy family), Garo Cultural Troupe-i Wangala dance aser Yimkhiung Cultural Troupe-i Thongyi Mukho (ladies folk song) shilemtem agia liasü.

Mizoram CM Lalduhoma-i Dec 8 nü tezüngzüktep agitsü

Aizawl, December 6, 2023 (Agencies): Mizoram nung Chief Minister inyaktsü atema Zoram People's Movement (ZPM) tanishir Lalduhoma shimogo.

Bodbarnü Mizoram Governor Dr Hari Babu Kambhampati-i Lalduhoma shimtet.

Kambhampati-isa Lalduhoma dang Mizoram nung ZPM sorkar tasen akümtsü atema jaokogo.

December 8, 2023 anepdang 11:00 ako nung Lalduhoma-i Mizoram Chief Minister inyaktsü atema tezüngzüktep agitsü.

“Ni pa (Lalduhoma) chief minister inyaktsü shimogo aser sorkar akümtsü jaokogo” ta governor Dr Hari Babu Kambhampati-i ashi.

Lalduhoma-i Bodbarne Mizoram governor den ajurutepa Mizoram nung sorkar akümtsü kuli agüja liasü.

Lanurtemi Mizo National Front (MNF) laktetadok aser tangatetba aser shisalen tasen

bener arutsü sorkar tasen ka aginüa liasü ta Lalduhoma-i osangbener den jembidang ashi.

Lalduhoma-isa takok tulu anguba ya Tsüngrem aser nübortemi temoatsü agütsüba lir ta ashi.

Mizoram nung ZPM sorkari department 45 nung tebilemtsü onük balala nung temulung agüja inyaktsü ta paisa ashi.

ZPM-i election nung takok anguba atema Mongulbarnü tekülem sentong ka ayongzuka agia liasü.

MNF-i Zoramthanga shidi magizüker

Külen, taoba Mizoram CM Zoramthanga-i MNF president menden nungi sodi agiba shidi zülüa liasü saka Bodbarnü MNF-i iba shidi magizük.

“MNF National Core Committee & Political Affairs Committee-i Zoramthanga shidi magizük aser pai tamakok anguba tebilemtsü khuret abenba atema tenüngsang agütsü” ta

MNF senior vice-president Tawnluia-i ashi.

Election nung tamakok angubaji president kija dang masü saka party tebilemtsü khuret lir ta senden nung jembitep, ta Tawnluia-isa ashi.

Zoramthanga-i küm 30 tashi Mizoram nung chief minister inyaka aruogo saka taküm assembly election nung tamakok anguba sülen pai MNF president menden nungi sodi meshia shidi zülü.

Taküm election nung MNF-i menden 10 nung takok ngutet saka Zoram People's Movement (ZPM)-ibo menden 27 nung takok angu.

2018 assembly election nung MNF-i menden 26 nung takok ngua liasü saka taküm election nung Zoramthanga-i tamakok angu.

Aizawl East-I menden nung Zoramthanga-i ZPM vice-president Lalthansanga tsüngdang votes 2,101 agi tamakok angu.



Indian Red Cross Society, Nagaland State Branch, Voluntary Blood Donors Association Kohima aser Blood Centre NHAH lungjemer Naga Heritage Village, Kisama nung December 7 anepdang 10:00 ako nungi nikongdang 2:00 ako tashi Blood Donation Camp ka ayongzüksü.

Dimapur nung Northeast Mahila Morcha Zonal Meet alitsü

Dimapur, Luchii/December 06 (TYO): Dimapur nung December 8 & 9, 2023 anogotem Northeast Mahila Morcha Zonal Meeting alitsü aser yangji adentsü asoshi National Mahila Morcha tir Vanathi Srinivasan arutsü, ta State Media Cell BJP Nagaland sangdong ka ajanga ashi.

Iba senden nung Assam, Arunachal Pradesh, Tripura, Meghalaya, Manipur, Mizoram aser Sikkim ama Northeastern

states tem nungi Mahila Morcha delegates tem arua iba senden nung adentsü.

Kasa mapang Vanathi-i Northeastern states nungi tetsür delegates, Nagaland nungi tetsür Self Help Groups tem den December 9, 2023 nü sensaksemba mapang alitsü, ta sangdong ajanga ashi.

Northeast Mahila Morcha Zonal Meet ya State Mahila Morcha aser Bharatiya Janata Party Nagaland ajanga ayongzüker.

Tanü Merhülietsa-Siethogei lenmang shibangtsü

Dimapur, Luchii/December 06 (TYO): Tsütuo Kharu (Gate) Pulling Ceremony mechi December 7, 2023 nü National Highway-29 nung lenmang shibangtsü taoba mapang sangdonga aliba tera melenshia Merhülietsa nungi Siethogei tsüngta lenmang ang shibangtsü, ta Deputy Commissioner, Kohima ajanga sangdong ka nung metetdaksü.

National Highway-2 nungi ki o jen agientsü metetdaksür

Dimapur, Luchii/December 06 (TYO): Wokha district kübok National Highway-2 nung sen (compensation) agütsür aliba ki o jen agientsü asoshi Deputy Commissioner, Wokha, Ajit Kumar Ranjan, IAS ajanga sangdong ka nung metetdaksüog.

Item ki o jen agientsü asoshi June 21, 2023 nung mezüng metetdakja liasü.

Khen asoshia süang, mesüra teti asoshia süang, National Highway ali agiba ajanga traffic ketdangsüba, inyakyim balala aser tarutsü nung tajungba kuma yanglushitsü asoshi tetsükdaksü jenti agütsür, ta sangdong ajanga ashi.

Ajidang masü iba ama ali agiba ya National Highway Act 1956 indang Section 29 aser

Indian Penal Code indang Section 447 nung aibelenba amai züngshir.

Temelaba makai National Highway ali agia alir ajunga dang anogo ter tsüngta ki o jen agientsütsü mesüra ali azüngtsütsü metetdaksür. Iba totuyuba sülen manidakra tashiyim amshia sangdong balaka magütsü agientsü, ta sangdong ajangasa ashi.

Meja-meja tourist tem asoshi Stilt Bamboo race ayongzüker



Hornbill Festival 2023 nung shilem ka ama December 6, 2023 nü Department of Youth Resources & Sports ajanga tourist tem asoshi Stilt Bamboo race ayongzükerba nung mezüngbuba jenjang angusang Manipur nungi H. Jonah noksa nung angur.

Dimapur, Luchii/December 06 (TYO): Hornbill Festival 2023 nung shilem ka ama Department of Youth Resources & Sports ajanga meja-meja tourist tem asoshi Stilt Bamboo race (süngkum nung jajaba asaya tabo ka) tetoktepba Naga Heritage Village, Kisama nung

December 6, 2023 nü liasü.

Iba tetoktepba nung takok angurtem ya Manipur nungi H. Jonah-i mezüngbuba jenjang, Assam nungi Satish Kampal-i tanabuba jenjang aser Nepal nungi Lok Bahadur Khatri-i tasembuba jenjang nguteta

Iba tetoktepba nung shilem agirtem süngkum nung metres 13 tashi jajadakja liasü. Iba tetoktepba nung nisung 25-i shilem agi aser takok angur nem Assistant Director, Department of Youth Resources & Sports, Nyuvitho-i sempet agüja liasü.

Mangkolemba Sub-Division Coordination meeting menogo

Dimapur, Luchii/December 06 (TYO): Mangkolemba Sub-Division Coordination meetong ka December 5, 2023 nü ADC Mangkolemba indang Conference Hall nung mena liasü. Iba senden nung menden ya ADC Mangkolemba, T. Langkosen Tsanglao liasü.

Iba senden nung stakeholders temi tang teinyakdak project tem, mapa aser scheme balala indang osang agüja liasü.

Kasa mapang SDO Electrical, Longnak;

Functional Manager Industry; SDPO Mangkolemba; SDHO Mangkolemba; aser SDO PHED Mangkolemba nungi osang agia liasü.

Shilem agirtemi pei department indang jenjang aser terenlok aliba osang agüja liasü.

Office yanglutsü atema LRSO Department ajanga land survey agiba indang onoka benoka jembia liasü aser iba atema Mangkolemba Sub-Division nung ajak teka amteper inyaksü lemtet.

Dimapur Police-i nüburtem dang parnok den yariteptsü ayongzüker

Dimapur, Luchii/December 06 (TYO): Dimapur aser temeket tesemtem nung telungpur telok/mejangjaba nisung balalai tashiyim amshia senotsü meshiba, nisung apuba aser pua bener aoba azüoktsü mechi Dimapur Police Commissionerate ajanga Dimapur, Chümoukedima aser Niuland district tem nung aliba nüburtem, talisa shishilempartem dang Police den teka amteptsü aser iba amala inyakyim mapang shidak nung osang agütsütsü ayongzüka liasü.

Mapang shidak nung osang agütsüra aibelener nem tapet temerenshi agütsütettsü, ta ashi.

Tashiyim amshia senotsü

meshiba aser danga ozüng alema mapa tamajung inyakba nungi nokdangtsü asoshi nüburtemi ozüng amshirtem den yariteptsü kanga tongtipang lir, ta Commissioner of Police, Dimapur, Kevithuto Sophie, IPS ajanga sangdong nung ashi.

Anungji iba ama mapa tamajung anema raraba nung nüburtemi Police den külemi nokdaker teka amteper raratsü ajungshir. Iba amala osang agütsür indang ayak meimbanga ayutsü.

Mapa tamajung inyakbatem Police nem mela-mela osang agütsütettsü asoshi Commissionerate of Police kübok ketdangsür ajak indang tenüng yamai agütsür:

Contact Numbers of Officers & Police Stations/Out Posts.

1.	Police Control Room, Dimapur	7085055050
2.	Commissioner of Police	7085055001/9436013341
3.	Dy. Commissioner of Police (Crime)	7085055006
4.	Dy. Commissioner of Police, Dimapur	7085055002
5.	Dy. Commissioner of Police, Chumukedima	7085055003
6.	Dy. Commissioner of Police (HQ)	7085065055
7.	Dy. Commissioner of Police (TRAFFIC)	7085055004
8.	Dy. Commissioner of Police, Niuland	7085055005
9.	ADCP Chumukedima	7085055049
10.	ADCP Dimapur	7085055048
11.	ADCP (W&J)	7085065058
12.	ADCP Niuland	7085055047
13.	ADCP (Protocol/Traffic)	7085055007
14.	Asstt. Commissioner of Police (HQ)	7085055008
15.	Asstt. Commissioner of Police (SB/Crime)	7085055009
16.	ACP East Dimapur	7085055010
17.	ACP West Dimapur	7085055013
18.	ACP Chumukedima	7085055011
19.	ACP Niuland	7085055012
20.	ACP Trf-Dimapur	7085055014
21.	ACP Trf-Chumukedima	7085055015
22.	OC East PS	7085055020
23.	OC West PS	7085055024
24.	OC Sub-Urban PS	7085055026
25.	OC GRPS	7085055021
26.	OC Diphupar PS	7085055022
27.	O.C Sovima PS	7085065165
28.	OC Chumukedima PS	7085065161
29.	OC Women PS	7085055027
30.	OC Medziphema PS	7085055023
31.	OC Niuland PS	7085055025
32.	OC Traffic Control - Dimapur	7085055028
33.	OC Traffic Control - Chumukedima	7085055029
34.	East PS (Telephone Duty)	7085055030
35.	WEST PS (Telephone Duty)	7085055034
36.	SBN PS (Telephone Duty)	7085055036
37.	GRPS (Telephone Duty)	7085055031
38.	Diphupar PS (Telephone Duty)	7085055032
39.	Sovima PS, Duty Officer	7085065160
40.	Chumukedima PS, Duty Officer	7085065162
41.	Women PS (Telephone Duty)	7085055037
42.	Medziphema PS (Telephone Duty)	7085055033
43.	Niuland PS (Telephone Duty)	7085055035
44.	Traffic Control Dimapur (Telephone Duty)	7085055038
45.	Traffic Control Chumukedima(Telephone Duty)	7085055039
46.	New Field Check Gate	7085055040
47.	Dellai Check Gate	7085055042
48.	Khatkati Check Gate	7085055044
49.	Mobile Unit Commander	7085055046
50.	Highway Patrolling Party	7085065159
51.	I/C SOT	7085055043
52.	I/C, DCSB	7085065163
53.	Marwaripatti OP	7085065054
54.	Dhansiripar OP	7085065053
55.	Khuboto OP	7085065052
56.	Piphema OP	7085065051

SSR202427 October, 2023 to 9 December, 2023
Election Commission of India

Nai 'Desh ka Form' fill-up sür ma?

Voter ka kümang mesüra Voters list nung aliba osangtem update süang

Give a missed call on **8929441950** to know more

Follow

/ecisveep /eci

/ECIVoterEducation

/Election Commission of India

Log on to
voters.eci.gov.inApply through
Voter Facilitation Center
or contact your **BLO**Download the
Voter Helpline AppSh. Sachin Ramesh Tendulkar
National Icon of ECI

CBC 52101/13/0013/2324

FOURTH NAGALAND FILM FESTIVAL

INAUGURAL
PROGRAMME

INVITATION

Department of Information and Public Relations
(DIPR), Government of Nagaland in association
with the Ministry of Information
and Broadcasting
and Film Association of Nagaland (FAN)
invite you to the inaugural programme of the
fourth Nagaland Film Festival.

Special Guest will be His Excellency

Mr. Javier Paulinich,Ambassador of the Republic of Peru to India
and Guest of Honour will be**Shri Abu Metha,**

Advisor to CM and Chairman of IDAN.

DECEMBER 7, 2023 AT 10:00 AM
RCEMPA, JOTSOMA, KOHIMAGOVERNMENT OF
NAGALAND
DEPARTMENT OF
INFORMATION AND
BROADCASTINGGOETHE
INSTITUT
MAX MUELLER
BRUNNEN

WELCOME NOTE

Kusa Fithu,
Joint Secretary, IPR

RESULT DECLARATION OF SHORT FILM COMPETITION

FRAMES OF HARMONY

Sesino Yhoshu,
Festival Director,
Fourth Nagaland Film Festival

SPEECH

Guest of Honour, Shri Abu Metha,
Advisor to CM and Chairman of IDAN

SPEECH

Special Guest, His Excellency
Javier Paulinich,
Ambassador of the Republic of Peru to India

Congress-i Telangana Chief Minister menden atema Revanth Reddy shim



December 06, 2023 nü New Delhi nung Congress lenir, Sonia Gandhi aser Telangana Congress Tir, A Revanth Reddy na tangokba noksa nung angur. Telangana chief minister menden atema party-i Reddy shimogo.

New Delhi, December 06**(Agencies):** Telangana

assembly election osang

sangdongba sülen anogo asem

lir Congress central lenirtemi

Telangana Chief Minister

menden atema Telangana

Congress Tir, A. Revanth

Reddy shimogo.

December 7 nü Reddy-i

Chief Minister tenangzükba

agitsü. Reddy Congress

Legislature Party (CLP) lenir

shimogo aser state nung

Congress party nungi

mezüngbuba Chief Minister ji pa

asütsü. Telangana state ya 2014

küm ang tenteta liasü.

Telangana Pradesh

Congress Committee Tir,

Reddy-i Kodangal Assembly

constituency nungi toktepa liasü.

State assembly election nung

Chief Minister K.

Chandrashekhar Rao-i

Kamareddy menden nung toktep

saka BJP candidate, Katipally

Venkataramana Reddy

matsüngdang tamakok angu.

(Maneni tapak 8 nung...)

Karni Sena Tir, Sukhdev Gogamedi tepseter tem maitsü jangjaago: Police

New Delhi, Luchii/December**06 (Agencies):** Rajasthan nung

Police-i Rashtriya Rajput Karni

Sena lenir, Sukhdev Singh

Gogamedi tepseter ana maitsü

jangjaago.

Mongolbarnü Jaipur nung

Gogamedi'er kidang nisung anati

pa khaseta liasü. Iba sülen

ketdangsertemi aibelenertem dak

sendakba osang tejangja

agütsürtem nem senpet lakh 5

agütsütsü, ta sangdonga liasü.

Gogamedi tepseter anaji Rohit

Rathore Makrana aser Nitin Fauji

na lir ta jangjaago, ta Bodhbarnü

Rajasthan Police-i metetdaksü.

Gogamedi tepsetba nungsa

shilem agia alir tasembubaji,

Naveen Shekhawat lir ta

jangjaago.

Iba ken o bushisüngdangtsü

atema Director General of Police,

Umesh Mishra-i Special

Investigation Team (SIT) ka

tenteta liasü.

Gogamedi tepsetba sülen state

tesem ajaklen tensa raksaago aser

pa pusemertemi Rajasthan tesem

ajak mokdangtsü akhangar.

Jaipur nung dang masü saka

Churu, Udaipur, Alwar, aser

Jodhpur district tem nunga pa

pusemertemi longkak aitogo.

Sukhdev Singh Gogamedi

anema ken o aika benoka lir aser

Gogameri police station kija nunga

pa anema ken o 30 benoka liasü.



Supreme Court complex kima Chief Justice of India, DY Chandrachud-i asür nem akhüm agütsüdang tangokba noksa nung angur.

New Delhi, December 06, 2023: B R Ambedkar asüba anogomong nung New Delhi nung



TIR YIMYIM YIMOBILEM (EDITORIAL)

DIMAPUR YANGTEPNÜ, DECEMBER (LUCHII) 07, 2023

Mizo nunger tangatetba

Mizoram state kümer küm 36 sülen taküm küm parnok state assembly election ajanga kodanga yimsü mesüdangba yimten telok kati yimsü asütsüsa temelenshi ka aruogo. Iba telokji 2018 akümba Zoram People's Movement (ZPM) telok lir aser parnoki Mizoram tatar senden nung menden 40 nungi 27 nung takok ngua government akümtsü renema lir. Mizo nungertema Naga nungertem amai yimten nüchiso aginüba nübortem lir aser linük nung alemli Congress teloki ramoka yimsü asüba mapang 1986 küm ato kilonser Rajiv Gandhi leniba nung India government den Mizo nunger yimten nüchiso bushir telok Mizo National Front (MNF) lenir Laldenga den yimjung ken o renem aser ibaji ajanga India telongjem kübok 23 buba state asütsüsa Mizoram state aküm. Iba küm nung jagi tenzüker MNF aser Congres nati dang melentepa yimsüsüa aruba tangang Mizo nunger yimten telok tasen kati melenzüka yimsü asü tenzüker asütsü. Mizo nunger dak tajung aika lir aser item rongnung parnoki peisasa inyaker chiyongba dak amanger, anungji mapa tulu tila ta mali, pei mapa agi nüma atanger aser meranga inyaker. Ano tenükshitsüka kaji, parnoki ochishia alitsü meranger, anungji arogo nunga koba nungi aazükba rongsenar memetetba, mejangjaba aser meshitetba rongsen nungi tenla agütsübabo magir. Mizoram nung Mizo nunger 98 % bo Khristan lir aser item Khristantem rongnung teimbaka Presbyterian lir. Item tamangertemji asenok Nagaland nung alir Baptist purtem dang nungi kanga agia tajungba, kena asenoka Presbyterian-ang sünütsüka parnok tamang aser mapa na sütepsütepa tenükshitsüka angur. Ano, item arogotem nungi adokba lanurtem telok ka tenüng agi Young Mizo Association telok lir. Iba telok yagi Mizoram nung ochimashi temenen aser meshitak inyakyim anema kanga sashia aser indangindanga nokdaker. Aji oda, Mizo arogotem aser Mizo nunger lanurtemi anir election nunga tashiyim aser tim masüba inyakyim kecha meinyakdaksür. Proxy vote aser senyong vote ayokba mapaji Mizoram nunger asoshibo kenyonji mengudangba aser majangshidangba mapatem asütsü. Iba tangatetba tashi nung parnokibo Election Commission of India telemtetba dena meyipa repringshidakja vote azüngba anogo melenshidaktsüba asenoki metetogo. Iba ama state ka nung alu mapa nunga kanga meranga inyaker aser IPS officer asüba nisung Wb.Lalduhoma-i aniba ZPM teloki government akümtsüba Mizo nunger aika asoshi Mizoram state tangang tasen küma yanglushi tenzüker amai asütsü. Lalduhoma tangatetba ka lir, aji Mizo nunger asoshi tajung inyaksü atema Delhi nungi shinga yimten telok nema manishidaktsütsü ta asüba tangatetba asütsü, ibaji Mizo nunger akhüm aser tashi kümogo. Iba tangatetba aliba jagi ZPM telokbo center nung yimsü tesüdak yimten telok shinga dena tesendaktep balaka mayutsü saka ken o aser maparen ajak nung MZP tangatetba nung dang aotsü temulungtetba tulu lir. Parnok amaji masü asenokbo akhidang Congress mapang nungi tanü tashi Delhi nung aliba "high command" kübok alir, ibayongji asenok asoshibo Naga nungertem kechi aginer ta asüba jagi tama masü 'High Command' nungi kechi o arur ta asüba jagi tama sädaksür. Ibaji asenok dak meshimetsür kolok aser tangatetba shisatsü tila aliba ajanga lir. Kiburi ashiba mangara chiyongtsü mangutsü ta asüba tangatetba nung asenok Naga nungerbo 'High Command' kübok dang tashi anga aruba nübortem lir. Ibayongji, asenok Delhi matsüngdang akhüm maket kümogo. Aji oda, asenok Naga nungerbo telong nung alirtem dang masü saka tema nung yimsüsürtemi anir asenok ajak 'Designated Camps' nung amunger amai dang lir. Mizo nunger asoshibo center nung kechi yimten teloki yimsü asür ta asüba jagi tongtibang masü saka Mizoram nung Mizo nunger ajungtsü atema koma inyaker ta asüba jagi tongtibang lir. Iba tangatetba nungji Mizo yimten, lokti aser arogo lenirtemi akanga nokdaker. Asenokia parnok amaji inyaktettsü.

OLEMSABANG

Temulunger Sepai

P. Renthly Jamir

(Maneni yashi adok nungi...)

Revival milak jangru tialong nung ano tetsübuttsü menoknok anakja ta nübur taoksatsü aiben ajurua aru. Kasa Yisu asoshi temulunger Sepai saka Baptist nung tamanger sangjagi science dak Tamang aka aser Pentecost nung tamanger sangjagi temerem tzüyim sadangtsüba anü malu sota ayuba tzüyim tzüsem yipru anendaktsüba nung tamang ayu.

India lima Nagalima nung temulunger Sepaitemji tokja lir, tang Ao lima nunga Reverend angur tenzüka wadang nung aikasa lir. Temsüa alir mapang tatong nung pei arogoi meshitsüba ano pa agi alang mungdangi agütsüba nüburtemi parnok akhümtsüba meraketa repranger. Ano karbo peisasa canvassing oa sentsüh tsüa bushibatema lir. Kodang reverend ta südir nüburtemi Tangar den khenyongi balaka ta bilema benshir. Anungji parnok-ia yamaji libalirutsüla ta bilemer.

Reverend aika tangar dang tama mit aita ain adokba otsü jembir. Ano Reverendtemi züluba kakat pa anema par kinunger anema tamajung inyakba ajak sükasüka zülur tatem nung saka ni, ozüi tai tokogo ta züluba angur. Tai atokbaji jenjang tulu ta ashir. Anungji tai tatok tama (forgive and forget) ta süang ta ashir. Alima nung ken mejemerji sempet tajungtiba rongnung ka lir. Aor lanur ken mejemer tajung aika lir ta parnok ken ajanga lanur aika temulung meyipa arur ta bilema alinung taküm 2023 ken mejemer aikati sen aah ken mejemba constituency ka nung candidate anaprongla asemprongla na shimtetogo ta mejemtsüba angashidang ken mejemertem ya-a business atema dang ta bilema arur. Aser parnok ken jangratema mangar.

Tatem nung Naganunger Yisu yimsü agizüker küm 150 süia aodang alimai seret odangtetba oren agi iba ocet tembangnür. Yisu asoshi Temulunger Sepaitemji pei lemsükba duty shitak tsüngchirsa meinyakteter asü ta bilemer. North East nung Khristan State tem nübur tia asadanga tendangtsü India nungi RSS telok Hindu yimsü nung takotet nisung kar aruba parnoki bushitetba yamai shir ao. Aser aji shitak atalok ta ashir. Mizoram state aser Meghalaya State ana nung Khristantemji Presbyterian aser Catholic tamangertem lir. Anungji state anaji BJP teloki melamelabo makoktsü. Saka Nagaland aser Arunachal State anaji Baptist tamanger asünung anajibo BJP teloki melamela akoktsü ta asadangtet. Tang state ana nung BJP ticket rakteper tesa taküm election Nagaland nung Congress party nungi Candidate 23 aiba kata madok, Impur nunga BJP den lokteper aisang adok. India nung Secular partyji Congress party dang lir. Tamalena State Assembly nung Theology azünger MLA tem party ka toktsür ka nung oa atenba otsü jembir.

Khristan State nung Hindu nunger arungba mitsü bener arubajia asenoksa lir. Yisui yashi aser tanu kasa ta bangpet jembir, Peter tsüngdenchiokdak alidang arogopur ishikati sarasadem kotak tenyar alua chiok. Paul nungeri tsüngdenchiokdak nungi sarasadem. Menoknok anoka talenba yinzü salaja kishitem lapok. Süra Nagalima tamangertemjibo yutsür Aor arogotem tenlaki 194 nungi ayimtenbabo kechiba aiben Tsungrem-i melangzür ta bilemer. Asenok Yisu asoshi Temulunger Sepaitem Hindu nunger (BJP) kümja kümer nung asen nüburtemi Uniform Civil Code ama ozüng anema tapu tapu ayimtenyonga ya aseni onketba lung agi asenok dak alua aoner ta nübur ajaki telung tonga lua shisadangtsü mapang tongogo ta bilemba shisa lemsateper.

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

Malaysia nung nisung 2,000 dak temai Khristmas carol nung shilem agi



December 03, 2023 aonung Malaysia kübok Sarawak state nung ayongzükba 'A Christmas Carol, Sarawak in Diversity' sentong nung Khristantemi shilem agidang tangokba noksa nung angur.

December 06, 2023:

Malaysia nung sorkari sponsor süa Khristan nütsüng teimba aliba Sarawak state nung ayongzükba Khristmas carol sentong ka nung niusng meyrjang aikati shilem agia aden, aser ibaji linük puti otsü nung nisung teimtiba adenshiba liasü, ta osang ka ajanga metetdaksü.

December 03, 2023 aonung nisung 2,479-i Khristmas carol sentong "A Christmas Carol, Sarawak in Diversity" nung shilem agia ken aten.

Sarawak state yimtiba, Kuching nung ayongzükba carol sentongji Malaysia Book of Records nung Khristantem teimtiba adenshiba liasü.

Iba sentong agibaji December 23 nü TV Sarawak channel nung sayutsü.

Plaza Merdeka shopping mall nung ayongzükba sentongji Sarawak Deputy Premier, Sim Kui Hian aser Premier department nung minister, John Sikie Tayai na leniba nung agii.

Kasa sentong nung Archbishop, Simon Poh den state cabinet minister pongua densema liasü.

Carol nung shilem agirtemi O Holy Night, Feliz Navidad, We Wish You a Merry Christmas, Carols of the Bells, Deck the Halls, 12 Days of Christmas aser Last Christmas kentem aten.

Mezüngbo Association of Churches in Sarawak (ACS)-i iba sentong nung shilem agitsü memelungi liasü, kechiyong parnoki 'Jingle Bell Rock' ken masü saka 'O Holy Night' ken

ang atentsü mepishiba Sarawak TV-i magizük.

Ajisüaka Sarawak Premier, Abang Abdul Rahman Zohari aser Deputy Premier, Douglas Uggah Embas nati tiyongsüi ia mepishiba sülen ACS-i mepishibaji agizüka liasü.

Malaysia nung nütsüng million 32 shi lir aser state 13 rongnung Sarawak ya state tuluba dang masü saka Khristan nütsüng teimba aliba state ji iba state ya lir.

Malaysia nung nütsüng shilem 60 shi Muslim nungertem lir, nütsüng shilem 20 Buddhists, nütsüng shilem 10 Khristantem aser nütsüng shilem 6.3 Hindu nungertem lir.

Malaysia nung Khristan nütsüng teimbaka Sarawak state aser Sabah state na nung lir.

Myanmar nung court-i Baptist pastor ka bail temepishiba magizük



Rev. Hkalam Samson

December 06, 2023:

Myanmar linük nung Kachin state nungi Baptist pastor kati pa bail nung chioktsü atema temepishiba agütsü, ajisüaka court-i magizük.

Alima nung yimsü lenirtem aser meimchir temeden atema inyakba telok balalai pastor ji tangsa chioktsüla, ta takhangba agütsür.

December 05, 2023 nü Kachin State yimtiba, Myitkyina nung aliba court-i Rev. Hkalam Samson-i bail nung chioktsü mepishibaji magizük.

Pastor Samson atema ken o jembitsür lawyer-i, parnoki maneni ano temaba court ka nung kasa temepishiba agütsütsü, ta metetdaksü.

Samson ya taoba mapang Kachin Baptist Convention (KBC) nung lenir liasü.

Ozüng alema association tentetba, state tenüng menüksüba aser kiralongraba nung ajemdaker taküm April 7 nü Myitkyina Prison Court-i pa aija küm 6 tepuokdak ayutsü obendang agüja liasü.

Yaküm December 4 nü pa medical check-up atema

Thailand-i aoba mapang nung Mandalay International Airport nung pa apuba sülen pa tepuokdak küm ka jungogo.

December 6, 2023 nü osangbener den jembidang Arogo lenir kati, "Yimjung atema jembir yimsü lenir ka chioktsü atema alima nung Arogo lenirtem aser meimchir temeden atema inyakertemi takhangba agütsüyonga pa maneni jail nung puokba ya tejashitsüka lir," ta metetdaksü.

Myanmar nung meimchir temeden atema inyaker, Benedict Rogers-i, Myanmar nung kanga tongtibang Khristan lenir ka maneni tepuokdak ayuba ajanga sepaitemi yimsü temeden mezüngmeshiba, talisa Khristan yimsü mezüngmeshiba kuli sayur, ta metetdaksü.

Arrshi küm 65, pastor Samson ya Myanmar nung meimchir temeden atema inyakertem rongnung kanga nüngtugu lenir ka lir.

Pa küm 12 tashi Kachin Baptist Convention nung secretary aser Tir inyakba sülen tang tashi KBC nung adviser inyaker.

Kachin state nung nütsüng million 1.7 lir aser iba state nung Khristan nütsüng teimba lir.

ANOGO ABEN TSÜNGREM DEN

Mapa aser Tenzükba

Yohan 15: 1-8

TEMESHI NISUNGJI ASAMEYANGER

Pa ayongküm nung atemba süngdong koba agi mapang shidak nung süngjang agütsür (T.Ken 1:3).

Ni süngjang agütsüba nisung asütsüla. Tsüngrem mesükba nung yangluba tetezü, pai alimaji azüoktsüla aser yimsü asütsüla: soyapokyatsü, alima süngdaksütsü aser aji azüoktsüba (Lipok 1:28).

Kechiaser pa ayongküm nung atemba süngdong ka lir. Pa taküm talubusa lir aser mapang shidak nung süngjang agütsütsü akok. Meimchiri merangba mapa ajak - science, economics, politics, education, lokti tajungba asoshi - pa Tsüngrem tsütsü, tapiteter, teshisadanger, teraksar masü saka meimchir nüngdak agütsür ka asütsüla. Temeshi nisung ka ama pa Tsüngrem den mapa inyaker tagütsür lir: agütsür, teraksar masü. Tsüngrem tsütsü wazüka ayur, teindoker masü.

Item ajak dang temaba pa telangzüker Tsüngrem tsütsü lir. Pa sempet, pa tashi aser takaba ajak den alima kümzüksü Tsüngremer nükjidong nung pa mazüangi alir. Pa taküm ajanga pai Tsüngrem sentsüwangshi sayur. Pa temeli agi Yisu Khrista meimchir ajak teti taküm alitsü asoshi Kalvary nung pei taküm agütsü ibai Tsüngremer tenangzükba mapa osangtajung sangdonger. Iba ama nisung temoatsüba, pa taküm talubusa aliba dang masü saka pa ajanga tangar dangi taküm talubusa aor.

Kotaker Oba, kü ajunga agi Khrista nangzüksü aser Ne sentsüwangshi sayutsü Ne taochi aser tashi agüjang. Amen.

Yaküm Evangelical Arogotem nung tenla kanga ajema aru

December 6, 2023: Tesüiba küm 10 tsüngda Evangelical Arogotem aser ministries nung tenla tajemtiba arubaji 2022 küm liasü, ta Evangelical Council for Financial Accountability (EFCA)-i metetdaksü.

2021-22 kümsük nung tenla aruba shilem 0.7% agi tajemba liasü. 2019-20 kümsük nungbo tenla aruba shilem 3.9 agi teimba küma liasü, ta parnoki metetdaksü.

Ajisüaka 2023 küm nungbo evangelical ministries aser Arogotemi tenla teimba aruba osang metetdaksü.

Arogotem, Khristan schools aser ministries atema senotsü tenla ya kanga tongtibang, aser yaküm tenla shilem 80.7 bo senotsü tenla liasü. Nübo tenla aser osettsüset tenlaji shilem 4.7 shi lir. Tanüngba tenla shilem 14.6 ji tuition fees, program fees aser investment income nungi lir.

ECFA tatong Tir, Warren Bird-i, "Osettsüset aser chiyungtsü nung jenjang kanga atuyonga nüburtemi kanga melungsoa tenlaba ajanga ni kanga süngmanger. Tesüiba küm 9-10 tsüngda tenla agütsüba teimba-teimba dang akümer; yaküm ang tera ajema liasü," ta metetdaksü.

Yaküm Evangelical Council for Financial Accountability kübok melungtet telok balala nem tenla agütsüba shilem 0.2

agi ajema liasü aser Arogotem nem tenla agütsüba shilem 3.8 ajema liasü.

EFCA-i, ministry shilem 51 aser Arogotem shilem 56-i yaküm dang nungibo taküm tenla teimba arutsü ta imlaa liasü, ta metetdaksü.

Youth ministries shilem 63, rescue missions & groups shilem 56 aser evangelism ministries shilem 55-i yaküm dang nungibo taküm tenla teimba arutsü, ta imlaa liasü.

2023 küm organizations mesüra Arogotem kari staff ajemja liasü saka ministries shilem 92 aser Arogotem shilem 90-ibo sangküm staff teimba akümtsü tebilemba lir.

"Tsüngremi onok dang kanga jungogo. Tangar tenzükba nung Pai melungba inyaksü atema ano maneni temoatsü arutsü onoki tamang akar. Tawa onoki Development Coordinator ka shimogo aser pa leniba nung senotsü lenmang bushiba nung rangloker inyaksü," ta EFCA-i metetdaksü.

Jim Bakker aser Jimmy Swaggart nung ama televangelist tem ochimashiba ken otem adokba sülen 1979 küm Evangelical Council for Financial Accountability ya tenteta liasü. Senotsü tim mesüi amshiba mesüra ochimechii amshiba nokdangtsü nükjidong nung EFCA-i ministry balala atema inyakyim latetja lir.

AO OSHI ANGAZÜKDAK: TANÜ ANGAZÜKTSÜBA OJANG



Sentak

(v) alena ayuba (tie up)

* Tambui nashi mamatzü ayimer ka anir arua sentak.

Sentem

(n) sen aputsüba nung tetemlok agiba (interest on loan)

* Tanü asüng takari sentem tasak agi sen aputsür.

OLONG PAITEP # 6636

	1				2			3		4
5								6		
7			8							
								9		
		10								
11										12
					13					
					14					
15										

TIPIEN

- Balaka - (5)
- Aika shirangba - (4)
- Tar tatsü - (6)
- Nenü'er jabaso - (4)
- Sen latettsüba - (7)
- Tangar kübok alir - (4)
- Lon nung inokba - (6)
- Tzü ayimdak - (4)
- Ajok - (5)

LANGTSÜNGLEN

- Hai sür inyak - (4)
- Aor tenüng ka - (6)
- Ali telungi talangka lur - (5)
- Tebang kenyongi mazüoker - (4)
- Ken atema anenzükertem - (5)
- Toktepa noktak - (5)
- Sen - (6)
- Benjong agi - (5)
- Telung nung rizünga ayu - (4)
- Tebang nung enok - (4)

OLONG PAITEP # 6635 TELANGZÜBA

TIPIEN :

- Aben, 4. Artsü, 7. Lisem,
- Liwa, 9. Sarasadem,
- Aket, 14. Mangu,
- Anünü, 16. Ango.

LANGTSÜNGLEN :

- Aruli, 3. Balala, 5. Suwar,
- Belem, 9. Sүjak,
- Aonung, 11. Dokan,
- Tinu.

NAI-A YA METETTER MA



Business magazine Forbes-i World's Most Powerful Women for 2023 indang annual list sayaba nung India tsür pezü dena lir. Par pezü ya Union Finance Minister Nirmala Sitharaman (ranked 32), HCL Technologies chairperson Roshni Nadar Malhotra (ranked 60), Steel Authority of India Chairperson Soma Mondal (ranked 70) aser Biocon Limited & Biocon Biologics Limited in Bangalore, India Founder Kiran Mazumdar-Shaw (ranked 76) nunger lir.

Manipur Congress-i Meitei lanur 13 tepsetba aitsür

Imphal, December 6, 2023

(Agencies): Manipur nung Meitei nunger lanur 13 tepsetba atema temulung raksar aser iba inyakyim aitsür ta Manipur Pradesh Congress Committee (MPCC)-i ashi.

India aser state sorkartemi ita tenet tashi mangatettepi aruba manentetba atema Congress-i ashishitep.

"India sorkari Manipur nung ita tenet tashi mepetmesü manendaktsüba aitsür. Iba onük ajanga Manipur nunger ano kobika timtemtsü" ta Manipur Pradesh Congress Committee (MPCC) president K. Meghachandra-i ashi.

"Prime Minister Narendra mesüra Home Minister Amit Shah nati Manipur nung December 4 nü lanur 13 tepsetba atema ola madoker. Iba lendong ya Tengenoupal District nung Assam Rifle Post ka anasa atalok" ta Meghachandra-i ashi.

"Parnoki ola madokba ajanga mim tebilemba ka lir ama nübortemi bilemer. Iba amai dang inyaksangshia ora onok India nung India senso ama kobika alitsü" ta pai asüngdang.

Assam Rifles post anasa lanur 13 tepsetba MPCC aser AICC-i khukhua aitsür ta paisa shisem.

Tamil Nadu, Andhra Pradesh aser Puducherry nung cyclone ajanga timtemertem asoshi Prime Minister Modi-i social media sabangtem nung tebilemstü abenba osang lemsatep saka Tengenoupal district nung lanur 13 tepsetba atemabo ola kecha mali, ta Meghachandra-i metetdaksü.

"Congress Party, AICC president aser MP temibo lanurtem asüba atema mangyimba lemsatepogo. Ajisüaka Centre aser state nung sorkartemi nisung lokti tepsetba inyakyim kodang anendaktsütsü" ta paisa ashi.

Bodbarnü Imphal Valley aser temeket district tem nung voluntary shutdown liasü.

December 4 nü Tengenoupal nung nisung 13 tepsetba anema iba mokdang ayongzük aser dokan, shishilembadak aser school ajak shibanga liasü.

Imphal Valley dak alia Bishnupur aser Kakching district tem nunga mokdang ayonga agi.

Imphal East district kübok Torongthel nung nisung 13 den asüpila sentong ka agia liasü. Parnok ya Leithao yimtsüng nung Kuki telungpurtemi tepset ama temulung melemi bilemer.

Tanep 3.30 ako meta Andro constituency kübok Torongthel nung parnok mang rongdok.

Jawaharlal Nehru Institute of Medical Sciences (JNIMS) nung post-mortem agiba sülen yasüng 6:30 ako meta tasüangtem Torongthel-i bener aru.

NSCN-AM-i nisung 2 chioktsü atema Rs 1.65 crore meshir

Dibrugarh, December 6, 2023

(Agencies): Arunachal Pradesh kübok Longding district nung village chief aser headman na chioktsü atema NSCN (Ang Mai)-i Rs 1.65 crore meshiogo.

Wakka Circle kübok telungpur 15 shi kati Chopkhu Gangsa (headman) aser Chijgsan Wangham (chief) na

pur Myanmar leni anir ao ta osang ajanga ashi.

NSCN (AM) Colonel Akham-i December 1 nung teka agi züluba shidi ana yimdakir dangi bener yokogo.

Iba nung pai Chopkhu Gangsa aser Chijgsan Wangham na chioktsü atema Rs 1 crore aser ita asem tenati magütsüba "levy" Rs 65 lakh agütsütsü shia lir.

Iba atema Inspector General of Police (Law and Order) Chuku Apa-i Longding tonga oa osang metetpeladar.

"NSCN sasep nung mepetmesü adoka telok balaka razüka aoer. Parnoki Tirap, Longding aser Changlang district tem nung tashiyim agi sen sarur" ta ketdangsür kati ashi.

Assam nung journalist kati ULFA-I nung aden

Guwahati, December 6, 2023

(Agencies): Dibrugarh district kübok Naharkatia nungi journalist ka United Liberation front of Asom (Independent) (ULFA-I) nung denogo.

Iba journalist ya Bidyut Mahanta ta jangjaogo aser pai Facebook nung Assamese oshi agi ULFA-I nung adentsü jangraba osang zülua metetdaksü.

Taküm October ita Dibrugarh kübok Borpathar nungi lanur ka ULFA-I nung dena liasü. Iba lanur ya Palash Konwar ta jangjaogo aser pa Damoikhati nungi lir.

GOVERNMENT OF NAGALAND YOUTH RESOURCES & SPORTS DEPARTMENT NAGALAND: KOHIMA ADVERTISEMENT

Dated: Kohima, the 6th December, 2023

No.YRS/YOUTH/NSS-3/5/2022: In compliance to NSS Manual-2006, Chapter-2, Administrative Structure at State Level, Point 1.4; applications are hereby invited for appointment on contract/deputation to the post of State NSS Officer in the Pay Level-16 (15600-39100) under the National Service Scheme (NSS) subject to the following conditions as per guidelines laid in the NSS Manual-2006 of the Ministry of Youth Affairs and Sports, Govt. of India:

1. Qualification for the post of State NSS Officer

- He/She should have served as Programme Coordinator in the University or Programme Officer in a College for a minimum period of 4 (four) years continuously.
- He/She should possess the academic qualification for being appointed as Programme Coordinator as prescribed by the Department of Youth Affairs and Sports, Govt. of India.
- He/She should have interest in Youth Work in particular and Social Work in general.

2. Tenure of the State NSS Officer

The State NSS Officer will be appointed on deputation/contract basis for a period of 2 (two) years initially. The period of deputation may be extended by another 2 (two) years subjected to satisfactory works as State NSS Officer.

3. Documents required

- Resume,
- Appointment or promotion copy of Programme Coordinator/ Programme Officer issued by the University/College or incase of deputation NOC from cadre controlling Department,
- Proof of educational qualifications,
- Indigeneous & ST certificates,
- Work experience and
- Integrity certificate.

4. Submission of Application

Application should be addressed and submitted to the Director, Youth Resources & Sports, Nagland, Kohima along with mobile number, Email ID and recent passport size photo attached with the application. Application will be received between the time 10:00 AM to 1:00 PM on office working days.

5. Receipt of Application

The last date of receipt of application will be 16.12.2023.

Note: After scrutiny of applications, suitable candidates will be shortlisted for interview/personal interactions.

Sd/- (WEZOPE KENYE) IAS
Commissioner & Secretary to the Govt. of Nagaland.



24TH Hornbill Festival 2023

DAY 7

MORNING - 10:00 AM

HOST
MR. K. TOKUGHA SUKHALU
ADVISOR
FOOD AND CIVIL SUPPLY

CO-HOST
MR. A. PANGJUNG JAMIR
ADVISOR
FISHERY & AR

MR. NAIBA KONYAK
MLA

CHIEF GUEST
LT. GEN. RP KALITA
PVSM, UYSM, AVSM, SM, VSM,
GENERAL OFFICER COMMANDING IN CHIEF, EASTERN COMMAND

TRIBAL GUEST
BAÜLOI
PHOM

AFTERNOON - 1:00 PM

HOST
MR. KEVIPODI SOPHIE
MLA

CO HOST
MR. IMTICHOBA
MLA

CHIEF GUEST
LT. GENERAL HARJEET SINGH SAHI
3 CORPS, RANGAPAHAR

SCAN FOR HORNBILL SCHEDULE




Nepal nung Russia army atema nübu yimtsür 12 apu

Kathmandu, Luchii/ December 6 (Agencies): Nepal police-i Bodhbarnü sangdong ka ajanga ashiba agi, Nepal nungur lanurtem Russia army nung züngoksemtüsü atema ozüing alema yokba dak sendakba nung nisung 12 puogo.

Moscow atema raraba mapang Nepal nungur trok asüba indang osang ketdangsürtemi metetdaksüba sülen anogo ishika lir tang item nisungtem ya puogo.

Pua alirtem yagi kuli kaket tem ajak renemtsü aser India aser United Arab Emirates ajanga Russia-i nüburtem yoktsü atema visa anepaluja liasü, ta Nepal district police otongdar Kumud Dhungel-i ashi.

"Iba sülen parnok army nung züngoksema liasü. Iba inyakyim ajanga nisung kwi yok iba indang osang tejangja memetet saka bushisügang tenzükogo," ta pai AFP dang ashi.

Dhungel-i ashiba agi, Russia-i yokertem dang broker tem yagi USD 8,500 meshia liasü.

Nepal-i Hombarnü ashiba agi, Russia army nung mercenaries ama tenzükba mapang lisopur trok tepsetogo aser ka Ukraine-i puogo.

Ajisüaka iba sangdong ajanga item nisung trok ya kodang tepset mesüra kong tepset iba indang osang tejangja magütsü.

Kasa mapang nung Kathmandu-i Moscow dang Nepal nungur mercenaries tem ojang dang amshitsü mepeshia metetdaksüogo aser kar danga lira kidangi meyipa yoktsü metetdaksüogo.

Sorkari August ita Nepal nungertem dang rara agi kongshir aliba linüktem nung security dak sendakba nung kecha shilem magitsü atema tekümdaksü metetdaksüba sülen tang iba ya atalokogo.

Maneni Russia-i, Ukraine anütoklen Donetsk region nung industrial jila Avdiivka atsüngtsü merangba mapang ka nung iba ya talokogo. Iba jila ya linük ana tongtibangsa raktepba jila ka kümogo.

Nepal ya Ukraine nungi kilometre 5,350 (3,325 miles) dak tema pilar lir.

Nepali nungertem aika sen aatsü atema bendangleni aoer aser item nisungtemi linüki sen meyipa yokba ya Nepal rongsenketzüng atema kanga tongtibang lir. World Bank-i ashiba agi, taoba küm bendanglen nungi sen yokba ya Nepal indang GDP quarter ka shi liasü.

Nepal nungi Gurkha nungertem ya British army nung züngoksema arudar. Parnok ya 1815 küm nungi British-i yimsüsüa aliba India kübok sepai ama tenzük aser tang tashi British army tenzüka arudar.

G5 Sahel alliance loksatsü atema Chad & Mauritania nati lenmang lapoktsüogo

N'Djamena, Luchii/ December 6 (Agencies): West Africa indang G5 Sahel alliance nung tanungba linük anati ashiba agi, iba lokti tentet ngutetba linük aseme iba telok toktsüba sülen G5 Sahel alliance loksatsü asoshi parnoki lenmang lapoktsür.

Külem sangdong ka ajanga Chad aser Mauritania nati, Mali tsüngsü nung anidaka Burkina Faso aser Niger nati iba alliance toktsütsü atema telemtetba agiba akümtsübur, ta ashi.

Parnoki G5 founding convention kübok Article 20 dak ajemdaker jenjang tapet agitsü, ta kasa sangdong

ajanga metetdaksü. Iba article nung züngsem aseme iba lokti loksatsü atema mepeshia iba alliance ya loksatsütsü ta shia lir.

Iba lokti tentet nung Mauritania, Chad, Burkina Faso, Mali aser Niger densema lir, koba 2014 küm tentet aser 2017 küm France-i teyari agüja counterinsurgency force ka bendenloka liasü.

Honibarnü Burkina Faso aser Niger nati iba alliance nungi atsünginba sangdonga liasü.

"Iba lokti tentet tentetba nükjidong mataloker," ta parnoki ashi.

Honibarnü iba lokti tentet nungi atsünginba mapang Burkina aser Niger military

lenirtemi iba alliance ya loksatsü atemabo mejeta mejembi.

G5 ya 2014 küm tentet saka bilemba ama takok mongutet aser Sahel tesem maneni mesüngjemtetli lir.

2017 küm linük pongu nungi lenirtemi France teyari agia anti-terror task force ka yoktsü mulungtep. Ajisüaka Burkina Faso, Niger aser Mali military lenirtemi France-i shilem agiba ashishia liasü.

Joint force ka tentetaka telungpurtemi maneni timtem agütsür aser iba ajanga civilian aser sepaitem meyirejang aika taküm samaogo aser nisung million aika pei talidak nungi jenshiogo.

MULUNG NEN O



Asür Bendangonen Ao (Chuchuyimlang)
18-8-1983 - 01-12-2023

Onok asoshi akümdong aser teti meima aliba kinüngbo aser obala kodanga meshilangtsüba limai onok toktsür or külen temulung animesüngzükteti shisabulua alidang nenok kija, kibong, Arogo aser lokti tentet balalai mapang ajak nung sarasadem den rongsen, nübo aser shisatsü agi yariba asoshi kanga pelara.

Ajak dangi tsüngdong arua pelarani ta meshitetba asoshi nemjema bilemer, saka asen Takoksang Teyanglur Tebu Tsüngremi nenok taküm aser arishi maneni moajangma ta ozü tamang tila agi sarasademtsür.

~Temeim Kinungsü, Chirnur aser Kinüngertem.

Office of the Longsa Lumongtsür Telongjem Mokokchung

TENÜNGSANG AGÜTSÜR

Longsa Lumongtsü Telongjem Mkg. ajanga kin kidong nem konang tetushi aser takok marok tatidang balala nungi bener arutsüba atema tenüngsang agütsür.

1. Er. Tlemsulemba Jamir, Junior Engineer (electrical) Class-II under Power Department, through NPSC (CTSE) 2023. (S/o Lt. Wb. Supongmayu Jamir & Wt. Moanaro Lkr)
2. Kr. Lipokienla Jamir, LDA cum Computer Assistant, NSSB 2023, Veterinary Department. (D/o Wb. P. Lanutemjen Jamir & Wt. Luinchila Walling)

Tarutsü nunga Teyanglur Tsüngremi nena wadang ajak nung lenir süangma ta sarasademtsür.

Sd/-
T. Imtisenla
President

Sd/-
S. Opangmenla
Gen. Secy.

OPENING CEREMONY

13th MARSOSANG FOOTBALL Trophy CHUCHUYIMLANG

Date: 12th Dec. 2023 || Time: 09:30. Am.

Venue : **Langpangkong Tsükong**
GHS Chuchuyimlang, Play Ground

Arrival of Special Guest

Dr. Sentitula, IFS
Divisional Forest Officer, Mokokchung

FLAG HOSTING
DISPLAY

Compere : **Ms. Akumsangla & Ms. N. Anungla**

1. Invocation : **Rev. Sentiwapang, Pastor**
Unger Baptist Church
2. Welcome Address : **Mr. Talitemsu, Convenor**
MFT Organizing Committee
3. Short Speech : i. President, MDFA
ii. Mr. Imtikumzuk,
Aola Rionsanger Putu Chuchuyimlang
4. Special No. : **Ms. Tamsujungla, APCE**
Mongsenyimti
5. Speech by the Special Guest :

Declaration Of Trophy by Special Guest

CO-SPONSOR :

- Runner Up Sponsor by Arenlong Jamir, PA to Minister Rural Development
- Semi finalist Loser Sponsor by G Sports, Mkg & Er. Imtiwati Jamir Kohima
- Best Player Sponsor by Lt. Imsumar Family
- Best Goal Keeper Sponsor by Gilgal
- Best Defender Sponsor by Talitemjen & Family
- Highest Goal Scorer Sponsor by I. Sunep Dimpaur
- Best Team Sponsor by Medemer Telongjem Telok



Vidhya Bhavan Higher Secondary School, Kuda village, Dimapur nung Bodhbarnü Basketball court ka semzüksüba sülen Indian Army's Eastern Command, General Officer Commanding-in-Chief Lieutenant General Rana Pratap Kalita den tanga ketdangsürtem tangokba noksa nung angur. Iba court ya Indian army welfare project 'Operation Sadbhavana' kübok yangluogo.

ACC U-19 Asia Cup: India mezüngbuba Afghanistan den asayatsü

Dubai, Yimpoksüi/November 6 (Agencies): ACC Men's U-19 Asia Cup cricket tournament nung India team mezüngbuba asaya Hokolbarnü Afghanistan den asayatsü.

Asayamung lapokba anogo Pakistan aser Nepal nata asayatsü. India aser Pakistan na Deobarnü asayatsü ata lir.

Iba ODI asayamung nung team ti temaba jenjang asoshi tokteptsü. Iba asayamung ya Emirates Cricket Board-i ayongzüka asayatsü.

Team ti ya telok ana küma lemsa lir, kong team pezüzü lir.

India, Afghanistan, Nepal aser Pakistan Pool A nung ata lir.

Pool B nung Bangladesh, Japan, Sri Lanka aser hosts UAE densema lir.

Telok anaprongla nungi temaba jenjang nung tembangba team ana semi-final-i aitsü, koba December 15 nü asayatsü.

Asayamung final ya Dubai International Stadium nung December 17 nü asayatsü. Group asaya aser semifinal ajak ICC Academy Ovals 1 aser 2 nung asayatsü.

Asayamung nung asaya ajak anepdang 9:30 local

mapang nungi tenzüka asayatsü.

India team nung asayartem: Arshin Kulkarni, Adarsh Singh, Rudra Mayur Patel, Sachin Dhas, Priyanshu Moliya, Musheer Khan, Uday Saharan (C), Aravelly Avanish Rao (WK), Saumy Kumar Pandey (VC), Murugan Abhishek, Innesh Mahajan (WK), Dhanush Gowda, Aaradhya Shukla, Raj Limbani, Naman Tiwari

Traveling standby asayartem

Prem Devkar, Ansh Gosai, Md. Amaan.

Australian Open atema Wozniacki nem Wild card Entry agütsüogo

Luchii/December 6, 2023 (Agencies): Taoba World No. 1 asayar Caroline Wozniacki nem 2024 Australian Open atema wild card agütsüogo aser lai lar tanur anaprongla iba asayamungi anir arutsü atema sentong yangludat.

2018 Australian Open tetsür kija asaya champion Wozniacki aser Australia nunger asayar trok nem mezüngbuba shilem nung wild cards agütsüogo.

Arishi küm 33 tain Wozniacki ya küm asem tashi masayai lir taküm August ita nungi asaya tenzüko. La Montreal aser Cincinnati nung asaya aser U.S. Open nung round pezübuba tonga asaya kong la champion



Coco Gauff-i tsükdakja liasü.

Wozniacki-i 2020 kibong tenzüksü atema asaya metoktsü tsüingda küm ana lia Australia nung Grand Slam ka kokogo. Lai tang tashi nung Grand Slam ka dang koka lir. La TV analyst

ka ama inyakogo aser tang la aser taoba mapang NBA asayar David Lee na tanur ana tsürapur kümogo.

Wozniacki-i ashiba agi, la lar jala Olivia aser jabaso James na anir Melbourne Park-i aotsü sentong lir.

"Ni ozü tanur den iba asayamung ya lemsateptsü matateter," ta lai ashi.

Tournament director Craig Tiley-i October ita sangdong ka ajanga taoba mapang Australian Open champions - Naomi Osaka, Wozniacki aser Angelique Kerber nunger 2024 küm mezüngbuba Grand Slam nung ya shilem agitsü ta metetdaksür liasü.

Congress-i Telangana Chief Minister... (Tapak 7 nungi...)

Bodhbarnü New Delhi nung osangbenertem senden ka nung All India Congress Committee general secretary, K.C. Venugopal-i, "Karnataka Deputy Chief Minister D.K. Shivakumar aser party in-charge for Telangana, Manikrao Thakare na densema Congress observers-i osang metetdaksüba nung ajemdaker Congress Tiri (Mallikarjun Kharge) Reddy CLP lenir shimtsü telemtetba agi," ta metetdaksü.

December 04 nü Telangana CLP senden nungji Party

observer tem densema liasü. CLP lenir shimtsü atema Congress Tiri parnok nem tashi agüja liasü.

Reddy ya takutet lenir ka lir, ta shia Venugopal-i, election jakdang pai kanga meranga nüboyima liasü, ta metetdaksü.

Vengopal-isa, Congress-i Telangana nunger taginüba ataloktsütsü; sorkar tasenbai nüburtem taginüba ataloktsütsü atema tongti süa inyaksü aser party-i nangzükba ajak ataloktsütsü, ta metetdaksü.

Osangbenertem senden nungjisa taoba mapang CLP

lenir Mallu Bhatti Vikramarka aser Nalgonda MP, N. Uttam Kumar Reddy nata liasü.

Telangana nung Chief Minister mezüngsemi minister ajak agi 17 tashi alitsü akok. Party MLA 64 nungi minister menden atema MLA 17 dang shimtsüji kanga tasak asütsü.

Congress-i Telangana nung menden 119 nungi menden 64 tashi nung takok ngua Bharat Rashtra Samithi (BRS) sorkar atsüngdokogo. 2014 küm Andhra Pradesh state nungi Telangana state tentetba sülen tang tashi BRS sorkar dang liasü.

Ni jajateta ali tashi IPL asayatsü: Glenn Maxwell

New Delhi, Luchii/December 6 (Agencies): Australia nunger all-rounder Glenn Maxwell-i ashiba agi, pa jajateta ali tashibo Indian Premier League (IPL) nung asayatsü.

Arishi küm 35 tain asaya, shibai Australia-i India nung ODI World Cup akokba nung tongtibang shilem agia liasü, pa maneni Indian Premier League taruba season nunga Royal Challengers Bangalore nungi asayatsü.

"IPL ya ni atema tatembangbuba asayamung asütsü, kechiyong ni jajateta ali tashibo IPL asayatsü," ta Maxwell-i Bodhbarnü Melbourne Airport nung ashiba Australian Associated Press (AAP) sangdong ka ajanga metetdaksü.

"Kü indang career nung IPL-i koda teyari agütsü iba indang jembia aruogo. Nisung balala ajuruba, coach balala kübok asayaba aser international asayartem den toktepa asayaba ajanga kü indang career nung tajangzük aika nguogo.

"AB (de Villiers) aser Virat (Kohli) nunger amala asayar den ita ana tashi tangar asaya reprangba mapang sensaksemba ajanga kanga ajangzükogo," ta pai ashi.

Taruba küm June ita United States aser West Indies nung T20 World Cup masaya tsüingda Australia nunger asayartem experience atema Indian Premier League nung asayatsü nüngdaker ta bilemba Maxwell-i lemsatepogo.

"IPL nung Australia nunger asayartem aikati shilem agitetsü imlar, kechiyong India nung asayaba ya West Indies nung asayaba den mesükteper, kong ball spin asür," ta pai ashi.

Maxwell Brehostibarnü nungi tenzüka Big Bash League nung asayatsü. Pa Melbourne Stars indang captain lir aser parnok mezüngbuba asaya Gabba nung Brisbane Heat den asayatsü.

2021 küm takok anguba sülen Australia team T20 world title tanaben abentsü nükjidong lir. Parnoki ODI nunga India kokogo.

ICC T20 Rankings: Ravi Bishnoi World No.1 T20I bowler kümogo



New Delhi, Luchii/December 6 (Agencies): Arishi küm 23 tain India nunger leg-spinner Ravi Bishnoi Bodhbarnü ICC T20 International bowling chart nung temaba jenjangi tuogo.

Tawa Australia den asayaba mapang pai kanga junga asaya 'Player of the Series' dena anguba sülen pa tang temaba jenjangi tuogo.

Australia den asaya ponguprongla nung Bishnoi-i ball kanga junga ona wicket teku tashi agia liasü. Pai rating point 699 nguteta jenjang pongu tejakdangi atu aser Afghanistan nunger nüngtugu asayar Rashid Khan (692) ajateta temaba jenjangi tongtetogo.

Bowler tem rongnung tasembuba jenjang nung Sri Lanka nunger spinner Wanindu Hasaranga aser England nunger Adil Rashid na lir. Tenapronglai point 679 nguteta lir.

ICC T20I bowling rankings

top 10 nung India nunger asayartem rongnungi Bishnoi kija lir. Kasa mapang nung Axar Patel-a jenjang teku tashi tejakdangi tua tang tang 18buba nung lir.

Kasa mapang nung batter tem rongnung Suryakumar Yadav maneni temaba jenjang nung lir. Pa lenisüba nung India team-i Australia team 4-1 agi koka liasü. Ajisüaka opener Rituraj Gaikwad bo tenetbubai asepzüka luogo.

All-rounder tem rongnung Hardik Pandya jenjang masetshi-i maneni tasembuba nung lir.

Australia den asayaba T20I asayamung nung Pandya yiruba ajanga masayaka, pa maneni tasembuba nungi masetshi-i lir.

ICC T20I bowling rankings nung Bishnoi temaba jenjangi atuba ajanga India team asoshi tarutsü tajung aliba sayur aser pa den discipline ajak nung India nunger asayartem temaba jenjang nung lir.

BILEMDANGANG

"Kechi aka aji agi temulung mesüra pela malitsü."